



Regional
Housing
Programme

BILTEN

br. 8

APRIL - JUNI 2016.



Slika sa naslovne strane:
Dodjela ključeva, Nikšić, Crna Gora
Juni 2016.

Priča sa naslovne strane



CRNA GORA OBILJEŽAVA DVA KLJUČNA DOGAĐAJA U OKVIRU RSP-A

Ministarstvo rada i socijalnog staranja Crne Gore je na dvije odvojene ceremonije 20. juna obilježilo završetak izgradnje 62 stana u Nikšiću i početak izgradnje doma za starije osobe u Pljevljima.

Otvaranje nove stambene zgrade u Nikšiću okupilo je RSP interesne grupe i korisnike. Ministar rada i socijalnog staranja Boris Marić je zajedno s gradonačelnikom Nikšića Veselinom Grbovićem, uručio ključeve korisnicima kako bi što prije ostvarili svoja stanarska prava. Ovo su prva stambena rješenja dodijeljena u Crnoj Gori i predstavljaju rezultat dvanaestomjesečnog rada i investicije u vrijednosti od 2,6 miliona eura.



Gradonačelnik Nikšića Veselin Grbović je rekao: "Općina je za potrebe ovog projekta osigurala parcelu od 5000 m², kompletnu infrastrukturu i pristupni put ukupne vrijednosti od 700.000 eura. Dobili smo i značajnu pomoć od prethodne ministrice, gospođe Kovačević, koji je bio posvećen provođenju ovog projekta, kao i od novoimenovanog ministra, g. Marića."

Tim povodom, ministar Boris Marić je izjavio: "Želio bih izraziti svoju zahvalnost svim našim partnerima iz međunarodne zajednice, kao i lokalnim i državnim vlastima za zajedničke napore i posvećenost. Ovaj projekt predstavlja dobar primjer socijalne inkluzije i ekonomske održivosti, uz osiguravanje stambenih rješenja i početka novog života najugroženijim kategorijama interno raseljenih lica koja su odlučila ostanu u Crnoj Gori i postanu ravnopravni članovi našeg društva."

Započeti građevinski radovi u Pljevljima dio su projekta vrijednog 2,2 miliona eura, od čega se 1,9 miliona (86%) finansira iz RSP fonda. Ovim projektom osigurat će se prijeko potreban dom za 68 starijih osoba i izbjeglica/raseljenih lica s invaliditetom, čije se prebivalište ili boravište nalazi u Crnoj Gori, kao i dnevna njega za još 30 osoba.

Gradonačelnik Pljevalja Mirko Đaćić naglasio je značaj ovog projekta u području socijalne politike i istaknuo doprinos općine Pljevlja kroz osiguravanje građevinske parcele za izgradnju.

Vijesti

RSP AKTIVNOSTI UVELIKO U TOKU

Četiri partnerske zemlje će tokom ljeta i jeseni nastaviti s građevinskim radovima za zbrinjavanje preko 1.800 odabranih korisničkih porodica i mnogobrojnim raspisanim i/ili završenim tenderima. Tokom prvih pet mjeseci 2016. godine, dinamika sprovedbe RSP programa značajno je ubrzana, a tekuće aktivnosti namijenjene su osiguravanju domova za hiljade ugroženih osoba. Ovakvim tempom očekuje se da broj osiguranih stambenih jedinica ove godine bude trostruko veći u odnosu na 2015. godinu.



Korisnička porodica iz Olova, Bosna i Hercegovina

Odabir korisnika za sve projekte u **Bosni i Hercegovini** napreduje dobro, a isti je slučaj i s isporukom paketa građevinskog materijala i rekonstrukcijom kuća. Već je osigurano dvadeset stambenih jedinica i očekuje se da se gotovo 1.000 korisnika useli u svoje nove domove do kraja 2016. godine. Na posljednjoj sjednici Upravnog odbora RSP održanoj u Sarajevu, RSP donatorima i drugim interesnim grupama organizovana je posjeta korisnicima u Novom Goraždu.



Građevinski radovi, kamp Konik, Crna Gora

U **Crnoj Gori** napreduju građevinski projekti koji se finansiraju u okviru RSP programa u tri glavna grada - Nikšiću, Koniku i Pljevljima. U Nikšiću je u maju završena izgradnja dvije stambene zgrade za smještaj 62 ugrožene porodice, a stanovi su na korištenje predati u junu. Završetak izgradnje 120 stanova u kampu Konik započete u martu 2016. godine očekuje se u drugoj polovini 2017. godine, a početak radova na gradilištu u Pljevljima službeno je obilježen krajem juna.



Građevinski radovi, Glina, Hrvatska

Nakon uspješnog završetka projekta u Korenici, u **Hrvatskoj** su sada aktivna još tri gradilišta i to u Glini (rekonstrukcija doma za 75 starijih osoba i osoba s invaliditetom), Kninu (izgradnja dvije stambene zgrade s 40 stanova) i Benkovcu (izgradnja stambene zgrade za 21 obitelj). Pored toga, Hrvatska je već kupila 58 stanova u okviru projekta kojim je planirana kupnja stanova za 101 korisničko domaćinstvo. Do sada je korisnicima u Hrvatskoj obezbijeđeno 87 stambenih jedinica, a do kraja godine očekuje se završetak još 50.



Montažna kuća, Šimanovci, Srbija

Srbija je postigla napredak posebno u pogledu osiguravanja dva stambena modela: isporuke paketa građevinskog materijala i izgradnje montažnih kuća. Isporuka i postavljanje 66 montažnih kuća u korist gotovo 200 lica biće završena ove jeseni. Ovog ljeta počinju građevinski radovi na izgradnji 235 stanova u beogradskom naselju Ovča. Ovo je jedan od nekoliko RSP projekata koji će se provoditi u glavnom gradu Srbije, a unutar kojih se očekuje da RSP investicije dosegnu iznos od 18,5 miliona eura osiguravajući pritom smještaj za 2.700 lica. Pored toga, u različitim općinama širom zemlje biće započeti značajni građevinski projekti. Počevši od 2015. godine, odabranim izbjegličkim porodicama u Srbiji isporučeno je 129 paketa građevinskog materijala, a njihovo postavljanje je u velikoj mjeri završeno.

Primjeri iz partnerskih zemalja



BOSNA I HERCEGOVINA

PRVE KORISNIČKE PORODICE USELJAVAJU SE U NOVE DOMOVE U BOSNI I HERCEGOVINI

Ministarstvo za ljudska prava i izbjeglice Bosne i Hercegovine (BiH) je 12. aprila organizovalo posjetu gradilištu u Olovu kako bi se obilježilo važan događaj, odnosno povratak prvih interno raseljenih porodica u svoje novoizgrađene i rekonstruisane kuće. Ministrica za ljudska prava i izbjeglice BiH Semiha Borovac i ministar za izbjeglice i raseljena lica Federacije BiH Edin Ramić su u pratnji nekoliko RSP donatora lično uručili ključeve za prvih sedam korisničkih porodica u okviru projekta **BiH1 - Dodjela građevinskog materijala za 20 kućanstava i pomoć u rekonstrukciji po principu "ključ u ruke" za 150 domaćinstava**.

Ceremoniji su prisustvovali predstavnici donatorske zajednice, uključujući i veleposlanika Larsa-Gunara Vigemarka, šefa Delegacije EU u BiH, kao i veliki broj visokih predstavnika ambasada SAD, Italije, Švicarske, Rumunije i Turske. Prisutni su bili i partneri programa RSP - UNHCR, OSCE i CEB, kao i viši predstavnici vodećih institucija RSP partnerskih zemalja Hrvatske i Srbije.

„Zadovoljstvo nam je što smo danas svjedoci rezultata jednog dugačkog procesa, koji je konačno došao do finalne faze uručivanja ključeva odabranim korisnicima. Posebno mi je drago što se to događa u Olovu, općini koja je za vrijeme rata pretrpjela mnogo. Željela bih zahvaliti svim našim partnerima iz preostale tri RSP partnerske zemlje koji su nam pružili pomoć tokom ključnog procesa provjere korisnika. RSP predstavlja najbolji primjer regionalne kooperacije koji vodi do obnavljanja međusobne suradnje i pomirenja među državama”, izjavila je Semiha Borovac, ministrica za ljudska prava i izbjeglice BiH.



ŠEST PORODICA U NOVOM GORAŽDU USELJAVA SE U SVOJE NOVE DOMOVE

Članovi Upravnog odbora RSP-a su 29. juna posjetili Novo Goražde kako bi uručili ključeve rekonstruisanih kuća za šest korisničkih porodica. Ovo su prve porodice u Republici Srpskoj koje su stambenu pomoć dobile preko RSP-a: u Foči i Novom Goraždu će za ukupno 25 porodica tokom ovog ljeta biti osigurana stambena rješenja u okviru prvog projekta u BiH.

Pored ministrice za ljudska prava i izbjeglice Bosne i Hercegovine Semihe Borovac, ceremoniji je prisustvovao i ministar za izbjeglice i raseljena lica Republike Srpske Davor Čordaš, kao i glavni donatori programa RSP i predstavnici ostalih interesnih grupa. Ministar Čordaš izrazio je svoje zadovoljstvo povodom konkretnih rezultata koje RSP ostvaruje i naglasio da je neophodno ubrzati sprovođenje kako bi se završilo sve što je i planirano.

Šef Jedinice unutar Direktorijata EU za proširenje pri Europskoj komisiji Morten Jung, rekao je da je vrlo ponosan što je dio grupe ravnopravnih partnera koji podržavaju RSP, istaknuvši pritom važnost bliske saradnje koju su četiri partnerske zemlje ostvarile.

Predstavnici RSP interesnih grupa posjetili su kuću šestočlane porodice Živojević, koja je u prognanstvu živjela sve do 2002. godine, kada se vratila u svoju uništenu kuću. Nakon višegodišnjeg čekanja na pomoć u rekonstrukciji, obitelj je konačno postala korisnik sredstava koje dodjeljuje RSP. Radovi na rekonstrukciji - koji obuhvaćaju kompletnu obnovu prvog sprata uključujući izolacijske radove na fasadi i kompletnu zamjenu krovne konstrukcije - završeni su 20. juna 2016. godine, na dan kada se obilježava i Svjetski dan izbjeglica.

Primjeri iz partnerskih zemalja



REPUBLIKA HRVATSKA

ZAPOČETA IZGRADNJA 21 STANA U BENKOVCU

Državni ured za obnovu i stambeno zbrinjavanje je na gradilištu u Benkovcu 4. aprila 2016. godine organizovao ceremoniju kojom je obilježen početak radova na izgradnji **stambene zgrade sa 21 stanom u okviru projekta HR5**.

U stanove će se useliti porodice koje su ranije imale stanarsko pravo i porodice iz Bosne i Hercegovine, od kojih je većina imala status izbjeglica u Hrvatskoj. Procijenjena vrijednost projekta je 1,3 miliona eura, od čega će 1 milion biti osiguran iz RSP fonda. Završetak projekta se očekuje tokom druge polovine 2017. godine.

Ministar regionalnog razvoja i EU fondova Tomislav Tolušić izjavio je: "Želio bih zahvaliti RSP programu, jer je izbjegličkim obiteljima iz Hrvatske ulio novu nadu. Također bih želio zahvaliti gradu Benkovcu koji je osigurao zemljište i infrastrukturu".

Pored novog šefa Državnog ureda za obnovu i stambeno zbrinjavanje Nikole Mažara, događaju su prisustvovali i zamjenik ministra za socijalnu politiku i mladež Ante Babić, dožupan Zadarske županije Rudolf Dvorski, gradonačelnik Benkovca Branko Kutija i politički savjetnik u ambasadi SAD Erik Vilijams. Prisutni su bili i predstavnici UNHCR-a.

"Naša je misija osigurati pristojan život bivšim izbjeglicama u Hrvatskoj, prema kojima se osjećamo odgovornim i kao vlada, ali prvenstveno i kao ljudi prema ljudima, pa zato se ovakvi projekti trebaju nastaviti. Moj angažman kroz Državni ured tim je veći jer sam i sâm bio izbjeglica", rekao je Nikola Mažar, šef Državnog ureda za obnovu i stambeno zbrinjavanje.



RADIONICA ZA MREŽU SARADNIKA NA TERENU - PREKOGRANIČNA PROVJERA

UNHCR i Državni ured za obnovu i stambeno zbrinjavanje organizovali su radionicu za mrežu saradnika na terenu, koja je održana 11. aprila u Zagrebu. Ova radionica bila je namijenjena upoznavanju novoizabranih saradnika s metodologijom i operativnim dijelom prekogranične provjere. Novoizabrani saradnici će vršiti provjeru podataka potencijalnih korisnika koji trenutno žive u Hrvatskoj za dobijanje stambenog rješenja unutar RSP-a u Bosni i Hercegovini. Prema Sporazumu o saradnji između Bosne i Hercegovine i Hrvatske, u narednih nekoliko mjeseci potrebno je da se proces provjere sprovede za preko 3.500 potencijalnih korisnika. Događaju su prisustvovali i predstavnici Ministarstva za ljudska prava i izbjeglice BiH.



CRNA GORA

NAPREDUJU RADovi U KAMPU KONIK

Građevinski radovi na 12 zgrada za stambeno zbrinjavanje 120 najugroženijih porodica u kampu Konik počeli su 23. marta 2016. godine i već napreduju veoma dobro - projekt bi trebao biti završen tokom druge polovine 2017. godine, kako je i planirano. Ukupna vrijednost projekta je blizu 7 miliona eura, od čega će 90% biti osigurano iz RSP fonda, dok će preostalih 10% biti osigurano nacionalnim sudjelovanjem. U stanove će se useliti najugroženije romske porodice iz kampa Konik 1 sa statusom interno raseljenih lica (IRL) sa Kosova ili sa statusom stranih državljana s prebivalištem ili boravištem u Crnoj Gori.

RSP projekt u kampu Konik 1 predstavlja dio šire strategije za zatvaranje kampa Konik, zajedno s izgradnjom 48 stanova finansiranih od strane EU preko IPA fondova, koja je završena prošle godine. Nakon uspješnog završetka građevinskih radova u Nikšiću kojim su osigurani domovi za 62 ugrožene porodice, ovo je drugi po redu RSP projekt koji se uspješno sprovodi u Crnoj Gori.

Primjeri iz partnerskih zemalja



SRBIJA

U BEOGRADU POTPISANI UGOVORI ZA KUPNJU 69 SEOSKIH KUĆA S KORISNICIMA



Ceremonija obilježavanja primopredaje ugovora o kupnji kuća za 6 izbjegličkih porodica održana je 27. juna u Skupštini grada Beograda. Kupnja navedenih kuća finansira se preko projekta **SRB3 - Podrška za 715 izbjegličkih porodica u Beogradu**.

Zamjenik premijera, ministar vanjskih poslova i predsjednik Komisije za koordinaciju trajne integracije izbjeglica Vlade Republike Srbije Ivica Dačić, potvrdio je da je ovo već drugi ovakav događaj za manje od četiri mjeseca, što signalizira ubranu dinamiku sprovođenja RSP programa. On je također istaknuo i predanost Srbije RSP-u i izjavio: "Značaj ovog programa nadilazi granice naših država i dokazuje da regionalna saradnja i pomirenje mogu dovesti do rješenja dugoročnog problema izbjeglica u našoj regiji".

Tokom svog obraćanja, ministrica bez portfolija zadužena za europske integracije Jadranka Joksimović izrazila je svoju zahvalnost "svim našim donatorima i partnerima koji su još jednom dokazali da su spremni osigurati ne samo političku, već i finansijsku potporu kako bi nam pružili pomoć da okončamo jedan od najtežih razdoblja u našoj novijoj istoriji".

Povjerenik za izbjeglice i migracije Republike Srbije Vladimir Cucić napomenuo je da iza RSP-a "stoji armija nevidljivih ljudi koja se sastoji od 122 općine i 170 komisija. Pored toga, hiljade arhitekata, inženjera i pravnika uložili su velike napore da ovim ljudima osiguraju domove. Želio bih zahvaliti i njima, kao i RSP donatorima i međunarodnim i lokalnim partnerima uključenim u sprovedbu ovih projekata".

"Danas je radostan dan za 69 porodica - nakon više od 2 decenije, došao je kraj njihovom čekanju i nesigurnosti. Željeli bismo da pozovemo svoje partnere da se pripreme i podnesu dobre i spremne projekte u cilju iskoristivosti fondova još uvijek dostupnih unutar RSP-a i pruže pomoć tim ljudima da se konačno smjeste u svoje nove domove", rekao je Oscar Benedikt, zamjenik šefa Delegacije EU u Srbiji.



Događaju su prisustvovali i zamjenik šefa Misije Ambasade SAD Gordon Duguid, predstavnik UNHCR-a u Srbiji Hans Friedrich Šoder, zamjenik šefa Misije OSCE-a u Srbiji Michael Ujehara i Igor Burazin iz CEB-a.

Status RSP fonda

FINANSIJSKI PREGLED RSP-A

Na kraju mjeseca juna 2016. godine, finansijska situacija RSP-a može se sažeto prikazati kako slijedi:

Opredjeljeno za RSP		268
Potpisano ugovora o doprinosu	159 projekti	27 Operativni troškovi za TP, CEB i partnerske zemlje 186
Uplaćeno u RSP fond	120	
Odobreno grantova		141
Potpisano ugovora o grantu		133
Isplaćeno grantova	43	

DOPRINOSI PO DONATORIMA

Donatori su opredijelili 159,4 miliona eura, od čega su uplatili 120,3 miliona. Sa opredeljenim 121 milionom eura i uplaćenih 84,2 miliona, Europska unija je glavni donator RSP.

ODOBRENA DVA DODATNA GRANTA

Skupština donatora RSP fonda je u aprilu odobrila dva zahtjeva za dodjelu bespovratnih sredstava ukupne vrijednosti od 8 miliona eura:

- 2 miliona eura za projekt HR6
- 6 miliona eura za produžetak projekta SRB4.

Vrijednost odobrenih grantova sada iznosi ukupno 141,2 miliona eura.

ISPLATE PARTNERSKIM ZEMLJAMA

- **0,8 miliona eura u korist projekta MNE4 - Izgradnja 94 stana u općini Berane: 9. maja isplaćena je prva tranša granta iz RSP fonda.**
- **1,3 miliona eura u korist projekta HR2 - Izgradnja dvije stambene zgrade u Kninu za 40 porodica: 8. juna isplaćena je druga tražna granta.**
- **0,4 miliona eura u korist projekta HR4 - Kupnja stanova za 101 kvalificiranog korisnika: 20. juna isplaćena je treća tranša granta iz RSP fonda.**
- **1,4 miliona eura u korist projekta BiH1 - Dodjela građevinskog materijala za 20 porodica i pomoć u rekonstrukciji po sistemu "ključ u ruke" za 150 porodica: 23. juna isplaćena je treća tranša granta.**

Vrijednost sredstava isplaćenih iz RSP fonda u korist projekata stambenog zbrinjavanja zajedno s ove četiri isplate iznosi ukupno 43 miliona eura.

Regionalne aktivnosti

U SARAJEVU ODRŽAN OSMI UPRAVNI ODBOR I DVANAESTA SKUPŠTINA DONATORA RSP FONDA



U Sarajevu je 28. juna održana osma sjednica Upravnog odbora RSP-a i dvanaesta po redu Skupština donatora RSP fonda.

Četiri godine nakon Donatorske konferencije na kojoj je Regionalni stambeni program započet, u Sarajevu su se ponovo sastali predstavnici svih interesnih grupa kako bi se osvrnuli na ono što je do sada postignuto i ono što preostaje da se uradi u okviru ovog programa. Sastanku su prisustvovali predstavnici RSP partnerskih zemalja Bosne i Hercegovine, Hrvatske, Crne Gore i Srbije, predstavnici RSP donatora EU, SAD, Njemačka, Švicarska, Italija, Norveška i Turska, kao i partneri u procesu provedbe UNHCR, OSCE i CEB.

Partnerske zemlje predstavile su svoje dosadašnje rezultate i zajedno istaknule duh saradnje koji je, između ostalog, proizašao iz procesa prekograničnog rada unutar RSP-a.

Predstavnici interesnih grupa složili su se da su 2015. i 2016. bile ključne godine tokom kojih su za korisnike u svim partnerskim zemljama osigurane stotine stambenih jedinica. Radovi na sprovođenju Programa u toku su širom sve četiri partnerske zemlje. Pored toga, u prvih šest mjeseci 2016. godine, isplata sredstava duplo je brža u usporedbi s prethodnom godinom. Svaka od partnerskih zemalja istaknula je nužnost potpune posvećenosti sve četiri države u RSP-u kako bi se održala takva dinamika implementacije.

Šef delegacije EU u BiH i specijalni predstavnik EU veleposlanik Lars-Gunar Vigemark pozdravio je napore i posvećenost svih interesnih strana Regionalnog stambenog programa i rekao da je urađeno mnogo, ali da posao još uvijek nije završen. "Preostaje rješavanje značajnih izazova koji uključuju odabir korisnika, osiguravanje trajnih stambenih rješenja, kao i nedostatak ekonomskih uslova kao jedne od najvećih prepreka održivom povratku", rekao je veleposlanik Vigemark.

"Četiri godine nakon Donatorske konferencije, u Sarajevu se ponovno održava sjednica Upravnog odbora RSP-a. Veoma mi je drago da ovog puta možemo razgovarati o rezultatima i upoznati se s korisnicima koji su se uselili u svoje nove domove. Uspostavili smo blisku saradnju s našim kolegama u regiji. Važno je naglasiti da RSP nije koristan samo za raseljeno stanovništvo, već i za čitavu regiju, budući da doprinosi stabilnosti i potiče dobrosusjedske odnose". Izjavila je Semiha Borovac, ministrica za ljudska prava i izbjeglice Bosne i Hercegovine.



Vidljivost RSP-a

Prva godina kada je RSP osigurao stambena rješenja za kvalifikovane korisnike u većem broju bila je 2015. Sveukupno, više od 200 porodica uselilo se u nove domove nakon 20 godina raseljenosti i teških uslova života. Još mnogo porodica nastaviće istim putem.

Najvažnija dostignuća

	do decembra 2015. godine	od januara do maja 2016. godine
Završene stambene jedinice	Više od 200	Više od 100
Lokacije na kojima su započeti radovi na izgradnji višestambenih zgrada	3 (Nikšić, Glina, Knin)	3 (Konik, Pljevlja, Benkovac)
Ugovori potpisani između partnerskih zemalja i poduzetnika	39, ukupne vrijednosti od 9,6 miliona eura	27, ukupne vrijednosti od 8,3 miliona eura
Isplate iz RSP fonda partnerskim zemljama	17 miliona eura	18 miliona eura
Odobrena još dva zahtjeva za dodjelu granta u korist Hrvatske i Srbije ukupne vrijednosti od 8 miliona eura		

Ukazan iznos odobrenih grantova 141 million eura


Sve najvažnije aktivnosti dokumentirao je RSP tim za vidljivost i komunikaciju (CEB i tim za tehničku podršku), koji je različitim ciljnim grupama kao što su donatorska zajednica i regionalni mediji promovisao dostignuća RSP-a kroz integrisani skup sredstava komunikacije - publikacije, filmove i fotografiju.

Tokom maja i juna 2016. godine objavljeno je nekoliko publikacija:



Godišnji izvještaj RSP fonda za 2015. godinu

[Pogledajte pdf](#)



Najvažnija dostignuća RSP-a za razdoblje 2015-2016. godine

[Pogledajte pdf](#)



RSP info listovi za juni 2016. godine

[Pogledajte pdf](#)



Bosna i Hercegovina

[Pogledajte pdf](#)



Hrvatska

[Pogledajte pdf](#)



Crna Gora

[Pogledajte pdf](#)



Srbija

[Pogledajte pdf](#)

Vidljivost RSP-a

U protekla tri mjeseca producirana su još dva RSP filma, koja su premijerno prikazana na Upravnom odboru RSP-a u Sarajevu 28. juna, a sada su dostupni na RSP YouTube kanalu:

Regionalni RSP film
2015 - 2016




[Pogledajte film](#)

Bosna i Hercegovina: kratki film o rekonstrukciji kuća
2015 - 2016.



[Pogledajte film](#)



[Pogledajte film](#)

RSP tim

Nakon više od 30 godina provedenih u UNHCR-u na pružanju pomoći raseljenim osobama u različitim dijelovima svijeta, regionalni predstavnik UNHCR-a za jugoistočnu Europu u Sarajevu **Endrju Mejn** penzionisao se 1. jula 2016. godine.

Prije imenovanja na poziciju u BiH, g. Mejn bio je stacioniran u sjedištu UNHCR-a u Ženevi, kao i u Sijera Leoneu tokom repatrijacije Liberijskih izbjeglica i lokalne integracije povratnika u Sijera Leone. Tokom devedesetih godina prošlog stoljeća bio je zadužen za koordinaciju UNHCR-ove podrške razvoju sistema azila u pet središnjih europskih zemalja tokom procesa njihovog pristupanja EU, kao i za osiguravanje trajnih rješenja dugotrajnih izbjegličkih kriza u Obali Slonovače, Somaliji i Pakistanu.



"RSP se ne odnosi samo na izgradnju kuća, već i na osiguravanje da oni kojima je to neophodno dobiju siguran i pouzdan pristup pravima, uslugama i sredstvima za život. Pritom, lokalne vlasti igraju vrlo važnu ulogu u osiguravanju održivosti rješenja za one koji su se vratili, za one koji još uvijek nisu u mogućnosti da se vrate, ali i za one korisnike koji odluče da se nastane u mjestima raseljavanja."

Nakon gotovo četiri godine u CEB-u, menadžerica RSP Sekretarijata **Virdžinija Tortela** u julu je napustila Sekretarijat kako bi prihvatila nove izazove u SAD. Gđa Tortela se u oktobru 2012. godine priključila tada novoformiranom RSP timu u CEB-u. Bila je vrlo cijenjeni član tima i RSP-u je doprinijela u mnogo područja, a posebno na polju vidljivosti Programa.

U ime svih RSP interesnih grupa, ovom prilikom bismo poželjeli uspjeh kolegama čije je snažno angažovanje pridonijelo tome da RSP postane ono što danas jest.



Bosna i
Hercegovina



Hrvatska



Crna Gora



Srbija

Regionalni stambeni program finansira i podržava međunarodna zajednica



Regionalni stambeni program (RSP) ima za cilj da obezbijedi trajna rješenja za stambeno zbrinjavanje raseljenih lica nastalih nakon sukoba na teritoriji bivše Jugoslavije u periodu od 1991-1995. godine. RSP sprovode Bosna i Hercegovina, Hrvatska, Crna Gora i Srbija, a finansira najvećim dijelom međunarodna donatorska zajednica. Glavni donator je Evropska Unija. Ostali donatori su Njemačka, Italija, Norveška, Švajcarska, Danska, Turska, Luksemburg, Kipar, Rumunija, Republika Češka, Republika Slovačka i Mađarska.

www.regionalhousingprogramme.org